



KENYATAAN MEDIA

KEMENTERIAN EKONOMI
JABATAN PERANGKAAAN MALAYSIA

Blok C6 & C7, Kompleks C,
Pusat Pentadbiran Kerajaan Persekutuan, Presint 1,
62514, Wilayah Persekutuan Putrajaya
No. Telefon : 03 - 8090 4681

PERANGKAAAN PERDAGANGAN LUAR NEGERI MALAYSIA MAC 2025

Eksport Malaysia meningkat RM8.7 bilion (6.8%) pada bulan Mac 2025, mencerminkan peningkatan permintaan bagi barangan elektrik & elektronik

PUTRAJAYA, 18 APRIL 2025 – Prestasi perdagangan Malaysia pada bulan Mac 2025 mencerminkan ketahanan dengan peningkatan eksport yang stabil, manakala penurunan import pula menggambarkan cabaran di dalam ketidakstabilan ekonomi negara. Jumlah dagangan mencatat pertumbuhan 2.2 peratus kepada RM249.9 bilion, hasil daripada pertumbuhan eksport yang stabil (+6.8%) kepada RM137.3 bilion. Walau bagaimanapun, import mengalami penurunan 2.8 peratus kepada RM112.6 bilion. Sebaliknya, imbalan dagangan menunjukkan prestasi yang lebih kukuh, meningkat 94.4 peratus kepada RM24.7 bilion pada Mac 2025 seperti yang dilaporkan hari ini dalam **BULETIN PERANGKAAAN PERDAGANGAN LUAR NEGERI MALAYSIA, MAC 2025**. Buletin ini juga membentangkan prestasi produk untuk eksport dan import serta rakan dagangannya.

Ketua Perangkawan Malaysia, Dato' Sri Dr. Mohd Uzir Mahidin menekankan bahawa pertumbuhan eksport Malaysia didorong oleh peningkatan dalam eksport domestik dan eksport semula pada Mac 2025. Eksport domestik, yang merangkumi 80.0 peratus daripada jumlah eksport, meningkat 5.6 peratus kepada

RM109.9 bilion, manakala eksport semula yang menyumbang 20.0 peratus daripada jumlah eksport, berkembang 12.1 peratus kepada RM27.4 bilion berbanding Mac 2024. Selain itu, import berjumlah RM112.6 bilion, menurun 2.8 peratus atau RM3.3 bilion. Lebihan dagangan bertambah baik 94.4 peratus, mencecah RM24.7 bilion, menandakan lebihan bulan selama 59 bulan berturut-turut sejak Mei 2020. Walau bagaimanapun, perbandingan bulan ke bulan dengan Februari 2025 menunjukkan pertumbuhan dalam eksport, import dan jumlah dagangan masing-masing meningkat 16.1 peratus, 6.6 peratus, dan 11.6 peratus, sementara imbalan dagangan melonjak 96.0 peratus.

Melihat dari sudut kumpulan barangan, 113 daripada 257 kumpulan eksport menunjukkan peningkatan manakala 137 daripada 260 kumpulan import menunjukkan penurunan berbanding bulan yang sama pada tahun sebelumnya.

Ketua Perangkawan Malaysia turut menggariskan bahawa eksport yang lebih tinggi disumbangkan terutamanya ke Amerika Syarikat (+RM7.6 bilion), diikuti oleh Hong Kong (+RM1.9 bilion), Singapura (+RM1.9 bilion), Taiwan (+RM1.6 bilion), Kesatuan Eropah (+RM1.0 bilion), Filipina (+RM498.7 juta) dan Afrika Selatan (+RM339.0 juta). Selain itu, import yang lebih rendah disumbangkan terutamanya dari Taiwan (-RM1.7 bilion), diikuti oleh India (-RM1.5 bilion), Emiriah Arab Bersatu (-RM1.3 bilion), Singapura (-RM1.2 bilion), Australia (-RM799.9 juta), Thailand (-RM715.2 juta) dan Qatar (-RM544.9 juta).

Mengulas lebih lanjut mengenai eksport, kenaikan ini sejajar dengan peningkatan dalam barangan elektrik & elektronik (+RM12.5 bilion); jentera, kelengkapan & peralatan (+RM785.3 juta); kondensat & minyak petroleum lain (+RM619.1 juta); makanan diproses (+RM542.7 juta); keluaran perkilangan lain (+RM524.1 juta); dan barangan perkilangan berasaskan minyak kelapa sawit (+RM512.0 juta). Sementara itu, penurunan import dicatatkan bagi barangan

keluaran petroleum (-RM6.6 bilion); petroleum mentah (-RM1.7 bilion); barangan perkilangan logam (-RM1.0 bilion); hasil galian lain (-RM1.0 bilion); barangan besi & keluli (-RM846.3 juta); dan gas asli cecair (-RM592.8 juta).

Selanjutnya, Ketua Perangkawan Malaysia juga memaklumkan pertambahan import mengikut Penggunaan Akhir adalah seiring dengan permintaan yang lebih rendah bagi barangan modal dan barangan perantaraan. Import barangan modal (11.6% daripada jumlah import), menurun 19.2 peratus atau RM3.1 bilion kepada nilai RM13.1 bilion. Import barangan perantaraan (52.4% daripada jumlah import), bernilai RM59.0 bilion, mencatatkan penurunan marginal 0.6 peratus atau RM350.1 juta berbanding Mac 2024. Walau bagaimanapun, import barangan penggunaan (8.6% daripada jumlah import), meningkat 3.6 peratus atau RM342.4 juta kepada RM9.7 bilion.

Prestasi bagi suku pertama tahun 2025, jumlah dagangan, eksport, import dan lebihan dagangan mencatatkan peningkatan berbanding tempoh yang sama tahun lepas. Prestasi ekonomi yang memberangsangkan membawa kepada kenaikan 3.6 peratus dalam jumlah dagangan, sejajar dengan peningkatan dalam eksport (+4.4%) dan import (+2.8%). Selain itu, lebihan dagangan berjumlah RM41.0 bilion, menaik 20.1 peratus berbanding tempoh yang sama pada tahun 2024.


Kepengerusian ASEAN-Malaysia 2025: Jabatan Perangkaan Malaysia (DOSM) akan mempengerusikan Jawatankuasa Sistem Statistik Komuniti ASEAN Ke-15 (ACSS15) yang bertujuan untuk memperkukuh kerjasama statistik ke arah pembangunan serantau yang mampan.

Kerajaan Malaysia telah mengisytiharkan 20 Oktober sebagai Hari Statistik Negara (MyStats Day), dengan tema 'Statistik Nadi Kehidupan.' Sementara itu,


Hari Statistik Dunia Keempat akan disambut pada 20 Oktober 2025 dengan tema 'Driving Change with Quality Statistics and Data for Everyone'.

OpenDOSM NextGen adalah medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.


Carta 1: Perangkaan Perdagangan Luar Negeri, Jan 2024 – Mac 2025 (Nilai)




Carta 2: Perangkaan Perdagangan Luar Negeri, Jan 2024 – Mac 2025
(Peratus Perubahan Tahunan)




Carta 3: Perangkaan Perdagangan Luar Negeri, 2020 – 2025 (Jan – Mac)



Carta 4: Import mengikut Klasifikasi Penggunaan Akhir & Kategori Ekonomi Umum (BEC), Jan 2024 – Mac 2025
(Nilai dan Peratus Perubahan Tahunan)



Carta 5: Import mengikut Klasifikasi Penggunaan Akhir & Kategori Ekonomi Umum (BEC), 2020 – 2025 (Jan – Mac)



Jadual 1: Sub-Sektor Penyumbang Utama kepada Eksport

KETERANGAN KOMODITI	2024	2025	2025	SUMBANGAN KEPADA JUMLAH %	Y.O.Y	
	MAC	FEB	MAC		NILAI	%
	RM JUTA	RM JUTA	RM JUTA		RM JUTA	
Jumlah	128,565	118,242	137,309	100.0	8,744	6.8
Barangan Elektrik & Elektronik (E&E)	49,697	47,319	62,180	45.3	12,483	25.1
Keluaran Petroleum	11,107	9,308	7,495	5.5	(3,612)	(32.5)
Jentera, Kelengkapan & Peralatan	6,388	5,774	7,174	5.2	785.3	12.3
Kimia & Bahan Kimia	6,296	5,571	5,988	4.4	(307.7)	(4.9)
Minyak Kelapa Sawit & Keluaran Pertanian Berasaskan Kelapa Sawit	5,618	6,313	5,805	4.2	187.1	3.3

Jadual 2: Sub-Sektor Penyumbang Utama kepada Import

KETERANGAN KOMODITI	2024	2025	2025	SUMBANGAN KEPADA JUMLAH %	Y.O.Y	
	MAC	FEB	MAC		NILAI	%
	RM JUTA	RM JUTA	RM JUTA		RM JUTA	
Jumlah	115,845	105,625	112,585	100.0	(3,260)	(2.8)
Barangan Elektrik & Elektronik (E&E)	37,407	36,514	41,618	37.0	4,211	11.3
Jentera, Kelengkapan & Peralatan	7,969	8,731	9,028	8.0	1,058	13.3
Kimia & Bahan Kimia	8,721	7,029	8,275	7.3	(445.7)	(5.1)
Keluaran Petroleum	14,034	8,040	7,448	6.6	(6,586)	(46.9)
Barangan Perkilangan Logam	5,716	4,438	4,709	4.2	(1,007)	(17.6)

Dikeluarkan oleh:

PEJABAT KETUA PERANGKAWAN MALAYSIA

JABATAN PERANGKAAN MALAYSIA

18 APRIL 2025